

雲基編 宋板



雲臺編序

谷勤苦於風推者自駢竹之年則有賦詠雖屬對聲律未暢而不無音韻同年文人古川守李公朋同官

丈人馬博士戴嘗撫頂歎勉謂他日必垂名及冠則

編軸盈笥求試春闈歷干於大匠故少師相國太原

公深推獎之故薛許昌能李建州頌不以晚輩見待

預於唱和之流而忝所得為多游舉場凡十六年著

述近千餘首目可者無幾登第之後孜孜忘倦甚於

始學也喪亂奔離散墜略盡軋寧初

上幸三峯朝謁多暇寓止雲臺道舍因以所記或得

章句綴于牋毫或得於故侯屋壁或聞於江左近儒
或抵省一聯或不知落句遂拾墜補遺編成三百首
分爲上中下三卷目之爲雲臺編所不能自負初心
非敢矜於作者唐乾寧申寅三月望都官郎中鄭谷

序

谷初拜司空圖而其父同院見而喜之圖曰也必得丈文詩否
曰吟得莫有病否曰丈丈曲江晚晴詩希云村南斜日閒煙看
一對鴛央落波飲即沃嘉矣司空也漢是持其旨曰若也
一代風流

雲臺編卷上

都官郎中鄭谷

別同志

所立共寒苦平生同與游相看臨遠水獨自上孤舟
天澹滄浪晚風悲蘭杜秋前程吟此景爲子上高樓

登杭州城

漠漠江天外登臨返照間潮來無別浦水落見他山
沙鳥晴飛遠漁人夜唱閒歲窮歸未得心逐片帆還

感興

禾黍不陽艷競栽桃李春翻令力畊者半作賣花人

谷字惠表

州故永州

刺史之子

乾寧中爲

都官郎中

孕于家

谷自序云

故許昌尉

尚書能為

都官部中

及教身建

州李吳外

歛自靈病

內稔拜部

官差外皆

一時騷雅

孟仲却後

之亦林空

于此余年

受之春

以復是

正秩何以

相修為發

介

李介二月

六日補入

送進士盧啓東歸

灞岸草萋萋離觴我獨推
流年俱老大失意又東西
晚楚山雲滿春吳水樹低
到家梅雨歇猶有子規啼

曲江春草

花落江堤簇暖煙
雨餘草色遠相連
香輪莫輾青青
破留與游人一醉眠

雪中偶題

亂飄僧衲暮煙濕
密灑高樓酒力微
江上晚來堪風
處漁人披得一蓑歸

題慈恩寺然公院

雖近曲江居古寺
舊山終憶九華峯
春來老病厭迎
送翦却牡丹栽野松

輦下冬暮詠懷

永巷閑吟一徑蒿
輕肥大笑事風騷
煙含紫禁花期
近雪滿長安酒價高
失路漸驚前計錯
逢僧更念此生勞
十年春淚催衰颯
羞向清流照鬢毛

鷓鴣

暖戲煙蕪錦翼齊
品流應得近山雞
雨昏青草湖邊
過花落黃陵廟裏啼
游子乍聞征袖濕
佳人纔唱翠眉低
相呼相應湘江闊
苦竹叢深春日西

江上阻風

水天春暗暮寒濃船閉蓬窻細雨中聞道漁家酒初
熟夜來翻喜打頭風

石城

石城昔爲莫愁鄉莫愁魂散石城荒江人依舊棹舴
艋江戶還飛雙雀鴛鴦帆去帆來風浩渺花開花落春
悲涼煙渡草遠地不盡千古漢陽關夕陽

勸中春日

海棠風外御沽中襟袖無端惹酒塵和暖又逢純菜
日寂寥未是探花人不嫌蛾酒德愁肺却憶漁蓑覆
病身何事晚來微雨後錦江春學曲江春

十日菊

節去蜂愁蝶不知曉庭還繞折殘枝自綠今日人心
別未必秋香一夜衰

鷺鷥

閑立春塘煙澹澹靜眠寒葦雨颼颼漁翁歸後汀沙
晚飛下灘頭更自由

乾符丙申歲春奉試漲曲江池

春字

王澤尚通津恩波此日新深疑一夜雨宛似五湖春
泛艷翹振鷺澄清躍紫鱗翠低孤嶼柳香失半汀蘋

鳳輦尋佳境龍舟命近臣桂華如入手願作從游人
巴賓旅寓寄朝中從

驚秋思浩然信美向巴天獨倚臨江樹初聞落日蟬
衰榮悲往事漂泊念多年未便甘休去吾宗盡見憐

哭建州李員外頻

令終歸故里末歲道如初舊友誰為誌清風豈易書
雨墳生野蕨鄉真釣江魚獨夜吟還泣前年伴直廬

曲江

細草岸西東酒旗搖水風樓臺在煙沙鷗鳥下沙中
翠箔香銷樓外雨夜暫空何人賞秋景興與此情同

送太學顏明經及第東歸

平楚干戈後田園失耦耕艱難登一第離亂省諸兄
樹沒春江氣人繁野渡晴閑來思學館猶夢雪窻明

少華甘露寺

石門蘿徑與天鄰雨檜風篁遠近聞飲澗鹿喧雙派
水上樓僧踏一梯雲孤煙薄暮關城沒遠色初晴渭
曲分長欲然香來此宿北林猿鶴舊同群

柳

半煙半雨江橋畔映杏映桃山路中會得離人無限
意千絲萬絮惹春風

越鳥

昔霜南鴈不到處倚棹北人初聽時梅雨滿江春草
歇一聲聲聲在荔枝枝

所知從事近藩偶有懷寄

官舍種莎僧對榻生涯如在舊山貧酒醒草檄聞殘
漏花落移厨送晚春水墨畫松清睡眼雲霞仙筆挂
吟身霜臺伏首思歸切莫把漁竿逐逸人

送田光

九陌低迷誰問我五湖流浪可悲君昔著書笑破蘇司
業賦詠思齊鄭廣文理掉奸拙三百首阻風須飲幾

十分春

贈田光

天階謫紫衣冷格鶴猶卑道勝嫌名出身閑覺老遲
晚香延宿火寒磬度高枝長說長松寺他年與我期

燕

年去年來來去忙春寒煙暝渡瀟湘低飛綠岸和梅
雨亂入紅樓揀杏梁閑机硯中闌水淺落花徑裏得
泥香千言萬語無人會又逐流鶯過短墻

宗人作尉唐昌官署幽勝而又博學精富得
以言譚將欲他之留書屋壁

公堂瀟灑有林泉，祇隔苔牆是渚田。宗黨相親離亂
世，春秋閑論戰爭年。遠江鷺鷥來池口，絕頂歸雲過
竹邊。風雨夜長同一宿，舊游多共憶樊川。

淮上漁者

白頭波上白頭翁，家逐船移浦浦風。一尺鱸魚新釣
得，兒孫吹火荻花中。

興州江館

向蜀還秦計未成，寒蛩一夜遶牀鳴。愁眠不穩孤燈
盡，坐聽嘉陵江水聲。

寄題方千處士

山雪照湖水，漾舟湖畔歸。松篁調遠籟，臺榭發清輝。
野岫分閑徑，漁家竝掩扉。暮年詩力在，析句更幽微。

久不得張喬消息

天末去程孤，沿淮復向吳。亂離何處甚，安穩到家無。
樹盡雲垂野，檣稀月滿湖。傷心遶村落，應少舊耕夫。

華山

峭仞聳巍巍，晴嵐染近畿。孤高不可狀，圖寫盡應非。
絕頂神仙會，半空鸞鶴歸。雲臺分遠靄，樹谷隱斜暉。
墜石連村響，狂雷發廟威。氣中寒渭闊，影外白樓微。
雲對蓮花落，泉橫露掌飛。乳懸危磴滑，樵徹上方稀。

澹泊生真趣逍遙息世機
野花明澗路春蘚澁松圍
遠洞時聞磬群僧晝掩扉
他年洗塵骨香火願相依

題進士王駕郊居

前山微有雨求巷淨無塵
牛卧籬陰晚鳩鳴村意春
時浮應寡合道在不嫌貧
後徑臨陂水菰蒲是切鄰

通川客舍

奔走失前計淹留非本心
已難消永夜况復聽秋霖
漸解巴兒語誰憐越客吟
黃花徒滿手白髮不勝簪

寄獻湖州從叔員外

顧渚山邊郡溪將罨畫通
遠看城郭裏全在水雲中

西閣歸何晚東吳興未窮
茶香紫笋露洲迥白蘋風
歌緩眉低翠杯明蠟翦紅
政成尋往事輟棹問漁翁

祕閣伴直

祕閣鎖書深牆南別晚岑
吏人同野鹿庭木似山林
淺井寒蕪入迴廊漫蘚侵
閑看薛稷鶴共起五湖心

寄膳部李郎中

昌符

鄠郊陪野步早歲偶因詩
自後吟新句長愁減舊知
靜燈微落燼寒硯旋生澌
夜夜冥搜苦那能鬢不衰

採桑

曉陌攜籠去桑村路隔淮
何如鬪百草賭取鳳凰釵

悶題

落第春相困無心惜落花荆山歸不得歸得亦無家

獻大京兆薛常侍

能

耻將官業競前途自愛猶草古不如一炷香新開道
院數坊人聚避朝車縱游藉草花垂酒閑卧臨牕燕
拂書唯有明公賞新句秋風不敢憶鱸魚

游蜀

所向明知是暗投兩行清淚語前流雲橫新塞渡秦
甸花落空山入閬州不分黃鸝驚曉夢唯應杜宇信
春愁梅黃麥綠無歸處可待漂漂愛浪游

投所知

砌下芝蘭新滿徑門前桃李舊垂陰却應迴念江邊
草放出春煙一寸心

淮上與友人別

楊子江頭楊柳春楊花愁殺渡江人數聲風笛離亭
晚君向瀟湘我向秦

水

西蜀淨衆寺五題

竹院松廊分數派不空清泚亦逶迤落花相逐去何
處幽鷺獨來無限時洗鉢老僧臨岸久釣魚閒客捲
綸遲晚晴一片連莎綠悔與滄浪有舊期

七祖院小山

小巧功成雨鮮班
軒車日日扣松關
峨眉峭尺無人
去却向僧窻看假山

忍公小軒二首

松溪水色綠於松
每到松溪到暮鍾
閒得心源祇如此
問禪何必向雙峯

舊游前事半埃塵
多向中林結淨因
一念一爐香火裏
後身唯願似師身

傳經院壁畫松

危根瘦蓋蒼孤峯
珍重江僧好筆蹤
得向游人多處

畫却勝澗底作真松

寄贈孫路處士

平生詩譽更誰過
歸老東吳命若何
知己凋零垂白髮
故園寥落近滄波
酒醒鮮砌花陰轉
病起漁舟鷺跡多
深入富春人不見
閒門空掩半庭莎

送張逸人

人間踈散更無人
浪兀孤舟酒兀身
蘆葦鱸魚拋不得
五陵珍重五湖春

慈恩寺偶題

往事悠悠添浩歎
芳生擾擾竟何能
故山歲晚不歸

去高塔晴來獨自登林下聽經秋死鹿江邊掃葉夕
陽僧吟餘却起雙峯念曾看庵西瀑布冰

侯家鷓鴣

江天梅雨濕江籬此處煙香是此時苦竹嶺無歸去
日海棠花落舊棲枝春宵思極蘭燈暗曉月啼多錦
幕垂唯有佳人憶南國殷勤爲爾唱愁辭

送進士許柳

泗上未休兵壺關事可驚流年催我老遠道念君行
殘雪臨晴水寒梅發故城何當食新稻歲稔及時平
爲戶部李郎中與令李端公寓止渠州江寺

偶作寄獻

退居蕭灑寄禪關高掛朝簪淨室閒孤鳥雖留雙鶴
歇五雲爭放二龍閒輕舟共泛花邊水野屐同登竹
外山仙畧金閨虛位久夜清應夢近天顏

題莊巖寺休公院

秋深庭色好紅葉間青松病客殊無着吾師甚見容
踈鍾和細溜高塔等遙峯未省求名侶頻於此地逢

潼關道中

白道曉霜迷離燈照馬嘶秋風滿關樹殘月隔河雞
來往非無倦窮通豈易齊何年歸故社披雨剪春畦

終南白鶴觀

步步景通直門前衆水分
檉蘿諸洞合鐘磬上清聞
古木千尋雪寒山萬丈雲
終期掃壇級來事紫陽君
訪題進士孫秦延福南街居

多病久離索相尋聊解顏
短牆通御水踈樹出南山
歲月何難老園林未得還
無門共榮達孤坐却如閒
宿澄泉蘭若

山半古招提空林雪月迷
亂流分石上斜漢在松西
雲集寒庵宿猿先曉磬啼
此心如了了即此是曹溪
送進士趙能卿下第南歸

不歸何慰親歸去舊風塵
灑淚慙關吏無書對越人
遠帆花月夜微岸水天春
莫便隨漁釣平生已苦辛
送人游邊

春亦怯邊游此行風正秋
別離聞夜雨道路向雲州
磧樹藏城遠沙河漾日流
將軍方破虜莫惜獻良籌
長安夜坐懷寄湖外稽處士

萬里念江海浩然天地秋
風高群木落夜久數星流
鐘絕分宮漏螢微隔御溝
遙思洞庭上葦露滴漁舟
送祠部曹郎中鄴出守洋州

爲儒欣出守上路亦戎裝
舊制詩多諷分憂俗必康

開懷江稻熟寄信露橙香郡閣清吟夜寒星識望郎
聞所知游樊川

誰無泉石趣朝下少同過貪勝覺程近愛閒經宿多
片沙留白鳥高木引青蘿醉把魚竿去殷勤藉岸莎
題興善寺寂上人院

客來風雨後院靜似荒涼罷講蛩離砌思山葉滿廊
臘高興故疾爐暖發餘香自說匡廬側移陰半石牀
送人之九江謁郡侯苗員外紳

澤國尋知己南浮不偶游溢城分楚塞盧岳對江州
曉飯臨孤嶼春帆入亂流雙旌相望處月白慶公樓

張谷田舍

縣官清且儉深谷有人家一徑入寒竹小橋穿野花
碓喧春澗滿梯倚綠桑斜自說年來稔前村酒可賒
寄前水部賈員外嵩

謝病別文昌仙舟向越鄉貴爲金馬客雅稱水曹郎
白鷺同孤潔清波共渺茫相如辭賦外騷雅趣何長
贈文士王雄

知己竟何人哀君尚苦辛圖書長在手文學老於身
公道天難廢貞姿士任貞小齋松菊願卜子爲鄰
送進士常序赴舉

丹霞照上三清路瑞錦裁成五色毫波浪不能隨世
態鸞鳳應得入吾曹秋山晚水吟情遠雪竹風松醉
格高預想明年騰躍處龍津春碧浸仙桃

題興善寺

寺在帝城陰清虛勝二林蘚侵階暗茶助越甌深
巢鶴和鍾唳詩僧倚錫吟煙莎後池水前跡杳難尋

十才子詩集多有興善寺後池
之作今寺在池無每問追歎

貧女吟

塵厭齋峯廢錦機滿頃空插麗春枝東鄰舞妓多金
翠夾衣尚存老學眉

寄南浦謫官

多才翻得罪天末抱窮憂白首為遷客青山遶萬州
醉歌梅障曉歌厭竹枝秋望闕懷鄉淚荆江水共流

李夷遇侍御久滯水鄉因抒寄懷

簪多年何久懸帆興甚長江流愛吳越詩格愈齊梁
竹寺晴吟遠蘭洲晚泊香高閒徒自任華省待為郎

興州東池

南連乳郡流闊碧浸晴樓徹底千峯影無風一片秋
垂楊拂蓮葉返照媚漁舟鑑貌還惆悵難遮兩鬢羞

賀進士駱用錫登第

苦辛垂二紀擢第却沾裳春榜到春晚一家榮一鄉
題名登塔喜醪宴爲花忙好是東歸日高槐菜半黃

送許棠先輩之官涇縣

白頭新作尉縣在古山中高第能卑宦前賢尚此風
蕪湖春蕩漾梅雨晝溟濛佐理人安後篇章莫廢功

趙林郎中席上賦蝴蝶

尋艷復尋香似閒還似忙暖煙沉蕙徑微雨宿花房
書幌輕隨夢歌樓悞採粧王孫深屬意繡入舞衣裳

題嵩高隱者居

豈易訪仙蹤雲羅千萬重他年來卜隱此景願相容
亂水林中路深山雪裏鐘見君琴酒樂迴首興何慵

南游

淒涼懷古音湘浦吊靈均故國經新歲扁舟寄病身
山城多曉瘴澤國少晴春漸遠無相識青梅獨問人

送徐渙端公南歸

青襟離白社朱紱始言歸此去多應羨初心盡不違
江帆和日落越鳥近鄉飛一路春風裏楊花雪滿衣

高蟾先輩以詩筆相示抒成寄酬

張生故國三千里知者唯應杜紫微

杜牧舍人贈張祐處士云可憐

故國三千里虛君有君恩秋後葉可能更羨謝玄暉
唱歌詞滿六宮

塘有後宮詞云君恩秋
後葉日日向人疎也

咸通十四年府試木向榮題中用韻

園林青氣動衆木散寒聲敗葉墻陰在滋條雪後榮
忻忻春令早藹藹日華輕庾嶺梅先覺隋堤柳暗驚
山川應物候臯壤起農情祇待花開日連棲出谷鶯
題無本上人小齋

寒寺唯應我訪師人稀境靜雪銷遲竹西落照侵窻
好堪惜歸時落照時

贈日東鑿禪師

故國心無渡海潮老禪方丈倚中條夜深雨絕松堂
靜一點山螢照寂寥

獻制誥楊舍人

爲郡東吳祗飲水瑣闥須降鳳書徵隨行已有朱衣
吏伴直多招紫閣僧窻下調琴鳴速水簾前睡鶴背
秋燈葦疎竹塢情無限閒話毗陵問杜陵

蜀中賞海棠

濃澹芳春滿蜀鄉半隨風雨斷鶯腸浣花溪上堪惆
悵子美無心爲發揚

杜工部居兩蜀詩
集中無海棠之題

再經南陽

平蕪漠漠失樓臺昔日游人亂後來寥落墻匡春欲

暮燒殘官樹有花開

讀李白集

何事文星與酒星一時鍾在李先生高吟大醉三千
首留著人間伴月明

別脩覺寺無本上人

松上聞雲石上苔自嫌歸去夕陽催山門握手無他
語祇約今冬看雪來

訪姨兄渭口別墅

枯桑河上村寥落舊田園少小曾來此悲涼不可言
訪鄰多指塚間路半移原久歎家僮散初晴野

客帆懸極浦漁網曬危軒苦澁詩盈篋荒唐酒滿樽
高枝霜果在幽渚暝禽喧暗雷龍雅響微煙起燒痕
哀榮孤族分感激外兄恩三宿忘歸去圭峯恰對門
席上貽歌者

花月樓臺近九衢清歌一曲倒金壺座中亦有江南
客莫向春風唱鷓鴣

西蜀淨衆寺松溪八韻兼寄小筆崔處士

松因溪得名溪吹蒼松聲繚繞能穿寺幽竒不在城
寒煙齋後散春雨夜中平染岸蒼苔苦翹沙白鳥明
澄分僧影瘦光徹客心清帶梵侵雲響和鍾擊石鳴

淡京新茗爽暖泛落花輕此景吟難盡馮君盡入京
從叔郎中誠輟自秋曹分符安陸屬羣盜倡
熾流毒江孺竟以援兵不來城池失守例削
今任却叙省銜退居荆漢之間頗得琴樽之

趣因有寄獻

華省稱前任何慙削一麾滄洲失孤壘白髮出重圍
苦節翻多難空山自喜歸悠悠清漢上漁者日相依

望湘亭

湘水似伊水湘人非故人登臨獨無語風柳自搖春
南康郡牧陸肱郎中辟許崇先輩為郡從事

因有寄贈

未路思前難猶為戀故巢江山多勝境賓主是貧交
飲舫閒依葦琴堂雅結茅夜清僧伴宿水月在松稍
訪題進士張喬延興門外所居

平生苦節同旦夕會原東掩卷斜陽裏看山落木中
星霜吟欲老江海業全空近日文場內因君起古風
梁燭處士辭金陵相國杜公歸舊山因以寄

贈

相庭留不得江野有苔磯兩浙尋山徧孤舟載鶴歸
世間書讀盡雲外客來稀諫署搜賢急應難惜布衣

潯陽姚宰廳作

縣幽公事稀庭草是山薇足得招基侶何妨著道衣
野泉當案落汀鷺入衙飛寺去東林近多應隔宿歸

渠江旅思

流落復蹉跎交親半逝波謀身非不切言命欲如何
故楚春田廢窮巴瘴雨多引人鄉淚盡夜夜竹枝歌

雲臺編卷上

雲臺編卷中

都官郎中鄭谷

舟次通泉精舍

江清如洛汭寺好似香山勞倦孤舟裏登臨半日間
樹涼巢鶴健巖響語僧閑更共幽雲約秋隨絳帳還

水軒

日日狎沙禽偷安且放吟讀書老不入愛酒病還深
歎後爲羈客兵餘問故林楊花滿牀席搔首度春陰
荆渚八月十五日夜值雨寄同年李嶼

共待暉光夜翻成暗澹秋正宜清路望瀟起滴堦愁

棹倚袁安渚，簾垂庾亮樓。桂無香實落，蘭有露花休。
玉漏添蕭索，金樽阻獻酬。明年佳景在，相約向神州。

江際

杳杳漁舟破暝煙，踈踈蘆葦覆江天。那堪流落逢搖
落，可得潸然是。偶然萬頃白波迷，宿鷺一林黃葉送
殘蟬。兵車未息年華促，早晚閑吟向滄川。

梓潼歲暮

江城無宿雪，風物易爲春。酒美消磨日，梅香著莫人。
老吟窮景象，多難損精神。勸有還京望，綿州減戰塵。

贈別

南游曾共將，相別倍相留。行色迴燈曉，離聲滿竹秋。
穩眠彭蠡浪，好醉岳陽樓。明日逢佳景，爲君成白頭。

蓮葉

移舟水濺葉，差差綠倚檻。風搖柄柄香，多謝沅溪人不
折。雨中留得蓋鴛鴦。

東蜀春晚

如此浮生更別離，不堪長慟送春歸。潼江水，上楊花，
雪剛逐孤舟，繚繞飛。

將之瀘郡，旅次遂州，遇裴晤員外，謫居於此。
話舊，自凄涼，因寄二首。

誰解登高問上玄
謫仙何事謫詩仙
雲遮列宿離華省
樹蔭澄江入野船
黃鳥晚啼愁瘴雨
青梅早落中蠻煙
不知幾首南行曲
留與巴兒萬古傳

昔年共照松溪影
松折溪荒僧已無
今日同思錦城事
雪鋪花謝夢何殊
亂離未定身俱老
騷雅全休道甚孤
我拜帥門更南去
荔枝春熟向渝瀘

送進士吳延保及弟後南游

得意却思尋舊跡
新街未切向蘭堂
吟看秋草出關去
逢見故人隨計來
勝地昔年詩板在
清歌幾處郡筵開
江湖易有淹留興
莫待春風落庾梅

野步

翠嵐迎步興何長
笑領漁翁入醉鄉
日暮渚田微雨後
鷺鷥閒暇稻花涼

忝官諫垣明日轉對

吾君英睿相君賢
箕那寰區未晏然
明日翠華春殿下
不知何語可聞天

春夕伴同年禮部趙員外省直

錦帳名郎重錦科
清宵寓直縱吟哦
冰含玉鏡春寒在
柳傳仙闌月色多
視草即應歸屬望
握蘭知道暫經過
流鶯百轉和殘漏
猶把芳樽藉露莎

春暮詠懷寄集賢書起居家

寂寂風簾信自垂，楊花筍籜正離披。
長安一夜殘春雨，右省三年老拾遺。
坐看群賢爭得路，退量孤分且吟詩。
五湖煙網非無意，未去難忘國士知。

倦客

十年五年岐路中，十里萬里西復東。
匹馬愁衝晚村雪，孤舟悶阻春江風。
達士猶來知道在，昔賢何必哭途窮。
閒尋蘆笋炊菰米，會向源鄉作醉翁。

早入諫院二首

玉階春冷未催班，暫拂塵衣就芻眠。
孤立小心還自笑，夢魂潛繞御爐煙。

紫雲重疊抱春城，廊下人稀唱漏聲。
偷得微吟斜倚柱，滿衣花露聽宮鶯。

溫處士能畫鷺鷥以四韻換之

昔年吟醉送江籬，愛把漁竿伴鷺鷥。
聞說小毫能縱逸，敢憑輕素寫幽奇。
洎消浪濺牽葦鷺，忽覺風搜折葦枝。
得向晚窻閒挂罷，雪蓑煙艇恨無遺。

喜秀上人相訪

雪初開一徑，師忽扣雙扉。
老大情相近，林泉約共歸。
憂榮棲省署，孤僻謝朝衣。
他夜松堂宿，論詩更入微。

丞相孟夏祗薦南郊紀獻十韻

節應清和後郊官事繁羞至誠聞上帝明德祀圓丘
雅用陶匏器馨非黍稷流就陽陳盛禮匡國禱鴻休
漸晚蘭迎露微涼麥弄秋壽山橫紫閣瑞靄抱皇州
外肅通班序中嚴錫慶優奏歌三酒備表敬百神柔
池碧將還鳳原清再問牛萬方瞻輔翼共賀登皇猷

蜀中寓止夏日自貽

展轉欹孤枕風帟信寂寥漲江垂帶竦驟雨鬧芭蕉
道阻歸期晚年加記性銷故人衰颯盡相望在行朝

寄同年禮部趙郎中

仙步徐徐整羽衣小儀澄澹轉中儀花紅爐趨朝
路蘭綵清香宿省時彩筆煙霞俱不足綸闈鸞鳳訝
來違自憐孤宦誰相念禱祀空吟一首詩

蓼花

蒺蒺復悠悠年年拂漫流差池伴黃菊冷澹過清秋
晚帶鳴蟲急寒藏宿鷺愁故溪歸不得憑仗鱖魚舟

放朝偶作

寒極放朝天欣聞半夜宣時安逢密雪日晏待高眠
擁褐同休假吟詩賀有年坐來幽興在松亞小窻前
右省張補闕茂樞同在諫垣連居光德新春

賦詠聊以寄懷

小梅零落雪欺殘，浩蕩窮愁豈易寬。唯有朗吟償晚景，且無濃醉厭春寒。高齋每喜追攀近，麗句先憂屬和難。十五年前諧苦節，知心不獨爲同官。

重訪黃神谷東禪者

初塵芸閣辭禪閣，却訪支郎是老郎。我趣轉卑師趣靜，數峯秋雪一爐香。

定水寺行香

聽松看畫繞虛廊，拂金爐行賜香。丞相未來春雪密，轡前聞卧老僧牀。

結綬鄆郊縻攝府署偶有自詠

鶯離寒谷士逢春，釋褐來年軫種芸。自笑老爲梅少府，可堪貧攝鮑參軍。酒醒往事多興念，吟苦鄰居必厭聞。推却簿書搔短髮，落花飛絮正紛紛。

次韻酬張補闕因寒食見寄之什

柳近清明翠縷長，多情右袞不相忘。開緘雖覩新篇麗，破鼻須聞冷酒香。時態懶隨人上下，花心日被蝶分張。朝稀且莫輕春賞，勝事由來在帝鄉。

奔問三峯寓近墅

二年奔走頗驚魂，來謁行宮淚眼昏。鷓鴣入朝同待

漏牛羊送日獨歸村霸陵散失詩千首太華淒涼酒
一樽兵革未休無異術不知何以受君恩

寄贈楊夔處士

結茅祇約釣魚臺
水鷓鴣去又回
春卧甕邊聽酒
熟露吟庭際
待花開
吳江勝景邀游
邇百氏群書講
貫來國步未安風雅薄
可能高尚揆天才

沙苑

茫茫信馬行不似近都城
苑吏猶迷路江人莫問程
聚來千嶂出落去一川平
日暮客心速愁聞鴈數聲

海棠

春風用意勾顏色
銷得攜觴與賦詩
樓麗最宜新著
雨嬌饒全在欲開時
莫愁粉黛臨臆懶
果信丹青點
筆遲朝醉暮吟看不足
羨他蝴蝶宿深枝

黃鶯

春雲薄薄日輝輝
宮樹煙深隔水飛
雁為能歌繫仙
籍麻姑乞與女真衣

吊故禮部韋員外序

臘雪初晴共舉盃
便期携手上春臺
高情唯怕酒不
滿長慟可悲花
正開
曉奠鶯啼殘漏在
風幃燕卷舊
巢來
杜陵芳草年年綠
醉魄吟魂無復迴

顏惠詹事即孤姓舅氏謫官黔巫舟中相遇
愴然有寄

猶子在夫末念渠懷渭陽巴山偶會遇江浦共悲涼
謫宦君何遠窮游我自強瘴村三月暮雨熟野梅黃
谷自亂罹之後在西蜀半紀之餘多寓止精
舍與圓昉上人為淨侶昉公於長松山舊齋
嘗約他日訪會然生多故游宦數年是契未
諧忽聞謝世愴吟四韻以吊之

幾思聞淨話雨夜對禪牀未得重相見秋燈照影空
孤雲終負約薄宦轉堪傷夢繞長松塔遙想一僧存

杏花

不學梅欺雪輕紅照碧池小桃新謝後雙燕却來時
香屬春風各煙籠宿蝶枝臨軒須邈取風雨易離披

夕陽

夕陽秋更好斂斂薰蘭中極浦明殘雨長天急遠鴻
僧牕留半榻漁舸透疎篷莫恨清光盡巽蟾即照空

水林檎花

一露一朝新簾籠曉景分艷和蜂蝶動香帶管絃聞
笑擬春無力粧濃酒漸醺直疑風起夜飛去飛行雲

鴈

八月悲風九月霜
蓼花紅澹葦條黃
石頭城下波搖影
星子灣西雲間行
驚散漁家吹短笛
失群征戍鎖殘陽
故鄉聞爾亦惆悵
何況扁舟非故鄉

漂泊

槿墜蓮疎池館清
日光風緒澹無情
鱸魚斫鱠輸張翰
橘樹呼奴羨李衡
十口漂零猶寄食
兩川消息未休兵
黃花催促重陽酒
何處登高望二京

敘事感恩上秋右丞

昔歲曾投贊關河
在左馮使公岳顧過
王粲許從容
頃年更給事榮出守同州右丞
至末席各是避君謝始受變知
首薦叨殊禮
全家寓

近封白樓陪寫望
青眼感遭逢
顧念梁間燕
深憐澗底松
嵐光蓮岳逼
酒味菊花濃
同州官醢尚菊花
寇難旋移國
漂離幾聽蛩
半生悲道旅
二紀間門墉
蜀雪隨僧踏
荆煙逐馬衝
凋零歸兩鬢
舉止失前蹤
得事雖甘晚
陳詩未肯慵
邇來趨九仞
又伴賞三峯
時大駕棲在華州
棲托情何限
吹噓意數重
自茲儔侶內
無復歎龍鍾

駐蹕華下同年司封員外從翁許共游西溪

久違前契戲成寄贈

北渚牽吟興
西溪爽共游
指期承禁馬
故事初入內庭恩借飛龍
馬無暇
狎沙鷗
縱目懷青島
澄心想碧流
明公非不

愛應待泛龍舟

咸陽

咸陽城下宿往事可悲思未有謀身計頻遷反正期
凍河孤棹澁老樹疊巢危莫問今行止漂漂自不知

寄基客

松窻楸局穩相顧思皆凝幾句賭山果一先饒海僧
覆圖聞夜雨下子對秋燈何口無鞚束期君向杜陵

錦浦

流落夜淒淒春寒錦浦西不甘花逐水可惜雪成泥
病眼嫌燈近離腸賴酒迷憑君囑鷓鴣莫向五更啼

歌枕

歌枕高歌日午春酒酣膳足最閒身明明會得窮通
理未必輸他馬上人

重陽日訪元秀上人

紅葉黃花秋景寬醉吟朝夕在樊川却嫌今日登山
俗且共高僧對榻眠別畫長懷吳寺壁宜茶偏賞雪
溪泉歸來童稚爭相笑何事無人與酒船

漾陂

昔事東流共不迴春深獨向漾陂來亂前別業依稀
在雨裏梨花寂寞開却展漁絲無野艇舊題詩句沒

蒼蒼替然四顧難消遣祇有佯狂泥酒盃

朝直

朝直叨居省閣間由來踈退校安閒落花夜靜宮中漏微雨春寒廊下班自扣玄門齊寵辱從他榮路用機關孤峯未得深歸去名畫偏求水墨山

感懷投時相

非才偶忝直文昌兩鬢年深一鏡霜待漏敢辭稱小吏立班由未出中行孤吟馬跡拋槐陌遠夢漁竿擲葦鄉空相舊知爲學苦更教何處覓篇章

多情

賦分多情却自嗟蕭衰未必爲年華睡輕可思風敲竹飲散那堪月在花薄宦因循拋覘首故人流落向天涯鶯春馮夜長如此賴是幽居近酒家

訪題表兄王藻渭上別業

桑村搖落渭川西蓼水瀾瀾接稻泥幽檻靜來漁唱遠暝天寒極馬行低濁醪最稱看山醉冷句偏宜選竹題中表人稀離亂後花時莫惜重相携

垂傭

垂傭居竹裏涼冷卧池東一霎艾荷雨幾迴簾幕風遠僧來扣寂小吏笑書空衰鬢霜供白愁顏酒借紅

扇輕搖鷺羽屏古畫漁翁自得無端趣琴棊舫子中

巴江

時傳宗省
方南梁

亂來奔走巴江濱愁客多於江徽人朝醉暮醉雪開
霽一枝兩枝梅探春詔書罪已方哀痛鄉縣徵兵尚
苦辛鬢髮又驚逢獻歲眼前渾不見交親

求日有懷

能消求日是樵蒲坑塹由來似宦途兩擲未終捷擬
內座中何惜為呼盧

遷客

離夜聞橫笛可堪吹鷓鴣雪冤知早晚兩泣渡江湖

秋樹吹黃葉臘煙垂綠蕪虞翻歸有日莫便哭窮途

投時相十韻

何以保孤危操脩日不知衆中常杜口夢裏亦吟詩
失計辭山早非才得事遲薄冰安可履閭室豈能欺
勤苦流螢信吁嗟宿燕知殘鍾殘漏曉落葉落花時
故舊寒門少文章外族衰此生多軼軻半世足漂離
省署隨清品漁舟爽素期戀恩休未遂雙鬢漸成絲

南宮寓直

寓直事非輕宦孤憂且榮制承黃紙重辭見紫垣清
曉霽庭松色風和禁漏聲舊携新茗伴吏掃落花迎

鎖印詩心動垂簾睡思生粉廊曾試處直事值暇即於郡堂四廊
下尋項年試題所記多在石柱昔賢名來誤宮窗燕啼疑花樹鶯
殘陽應更好歸速恨嚴城

讀故許昌薛尚書詩集

篇篇高且真真為國風陳澹薄雖師古縱橫得意新

剪裁成幾篋近世詩人述作公篇什最多唱和是誰人華岳題無

敵黃河句絕倫華岳黃河二詩序云此皆二京之內卜題自序不責不負吟殘荔

枝雨詠徹海棠春公有海棠荔枝二首序云杜子美老於兩蜀而無此詠李白

欺前輩公有寄符郎中詩云我生若陶潛仰後塵論詩一章云李白終難忘嵩室下山巨篇不負蜀江

無取聞潛固不刊

濱公嘗後事蜀中著江干集屬思看山眼宜搜倚樹身拈摸吟夢

想諷誦爽精神落筆空追愴曾蒙借芥斤

題汝州從事廳

詩人公署如山舍祗向階前便採薇驚燕拂簾閒睡

覺落花沾硯會淪歸壁看舊記官多達榜掛明文吏

莫違自說小池栽葦後雨涼頻見鷺鷥飛

賀左省新除韋拾遺

初升諫署是真仙浪透桃花恰五年垂白郎官居座

末著緋人吏立階前百僚班列趨丹陛兩掖風清上

碧天從此追飛何處去金鑿殿與玉堂連

寄左省張起居

含香復記言清秩稱當年點筆非常筆朝天最近天
家聲三相後公事一人前詩句江郎伏書蹤甯氏傳
起居今太師盧公起相傳授書法風標欺鷺鶴才力湧沙泉居僻貧
無慮名高退更堅漁舟思靜泛僧榻寄閒眠消息當
彌入絲綸的粲然依棲常接跡屬和權盈編開口人
皆信淒涼是謝趨答在東場時與起居有恩也

中秋

清香聞曉蓮水國雨餘天天氣正得所客心剛悄然
亂兵何日息故老幾人全此際難消遣從來未學禪

送舉子下第東歸

夫子道何孤青雲未得途詩書難捨魯山水暫游吳
野綠梅陰重江春浪勢麤秣陵兵後舊業半成蕪

蜀江有吊

孟子有良策惜哉今已而徒將心體國不識道消時
折檻未為切沉湘何足悲蒼蒼無問處煙雨徧江離
恩門小諫雨中乞菊栽

握蘭將滿歲栽菊伴吟詩老去慵趨世朝迴獨繞籬
遞香風細細澆綠水瀾瀾祇共山僧賞何當國士移
孤根深有托微雨正相宜更待金英發憑君插一枝

寄題詩僧秀公

靈一心傳清塞心可公吟後楚公吟近來雅道相親
少唯仰吾師所得深好句未停無暇日舊山歸老有
東林吟曾孤宦甘寥落多謝携筇數訪尋

送進士王駕下第歸蒲中

失意離愁春不知到家時是落花時孤單取事休言
命早晚逢人苦愛高唐寒風沙路遠傍河桑柘舊
居移應嗟我又巴江去將子收彼聽子規

宣義里舍又暮自詠

幽居不稱在長安溝淺浮春岸雪殘板屋漸移方
野水車新入夜添寒名如有分終須立道若離心豈
易寬滿眼塵埃馳騫去獨尋煙竹翦漁竿

書村叟壁

草肥朝牧牛桑綠晚鳴鳩列岫簷前見清泉碓下流
春蔬和雨割社酒向花芻引我南陂去離邊有小舟

朝謁

捧日整朝簪千官一片心班趨黃闕急殿揖紫宸深
威鳳廻香袞新鷺轉上林小松含瑞露春翠易成陰

武德殿前
新栽小松

峨眉山

萬仞白雲端經春雪未殘夏消江峽滿晴照蜀樓寒
造境知僧熟歸林認鶴難會須朝闕去祇有畫圖看

次韻和秀上人游南五臺

中峯曾到處題記沒蒼苔振錫傳深谷翻經想舊臺

花松臨砌偃驚鳥鹿慕溪來內殿詳詩切師以文身迴

心未迴

寄察院李侍御

文姬

古栢間松管清陰在印牀宿郊虔點饌秋寺靜臨

參集行多揖風儀見即莊行聞橫壁去惟集講

前寄左省張起居一百言尋夢唱酬

實邦用舊韻重答

減瘦經多難憂傷集晚年吟高風過樹坐久夜涼天

旅退慙隨眾孤飛怯向前釣朋蓑叟在藥術衲僧傳

鬢禿趨筴路腸焦鄙盜泉品徒誠有隔堆唱意何堅

寒地殊知感秋燈耿不眠從來甘默爾自此倍怡然

蘭為官須握蒲因學更編預愁搖落後子美笑無羶

杜工部贈鄭廣文詩云利名四十年坐客寒無羶

槐花

毵毵金葉撲晴空舉子魂驚落照中今日老郎猶有

恨昔年相雪十秋風

贈富平李宰

夫君清且貧，琴鶴最相親。
簡肅諸曹事，安閒一境人。
陵山雲裏拜，渠路雨中巡。
易得連宵醉，千缸石凍春。

旅寓落南村舍

村落清明近，鞦韆稚女誇。
春陰妨柳絮，月黑見梨花。
白鳥闌魚網，青帘認酒家。
幽棲雖自適，交友在京華。

峽中嘗茶

簇簇新英摘，露光小江圍。
畏人煎管，吳僧謾說鷓鴣山。
好蜀叟休誇，馬首香合座。
半甌輕泛綠，閒緘數斤溪。
含黃鹿門病客，不歸去，酒渴更知春味長。

蠟燭

仙漏遲遲出建章，宮簾不動透清光。
金闈露白新裁，詔畫閣春紅正試。
灑淚滴盃盤，何所恨。燼飄蘭麝暗，和香多情更有分明處，照得歌塵下燕梁。

次韻和秀上人長安寺居言懷寄渚宮禪者
舊驛松老別多年，香社人稀喪亂間。
出寺祇知翅內殿，閉門長似在深山。
卧聽秦樹秋鍾斷，吟想荆江夕鳥還。
唯恐興來飛錫去，老郎無路更追攀。

搖落

夜來搖落悲桑棗，半空枝故國無消息。
流年有亂離。

霜秦聞馬草煙渭認帆遲日暮寒聲急邊軍在擁岐

蜀中二首

馬頭春向鹿頭關遠樹平蕪一望間雪下文君沽酒
市雲藏李白讀書山江樓客恨黃梅後村落人歌紫
芋間堤月橋燈好時景漢庭無事不征蠻

夜多無雨曉生塵草色嵐光日日新蒙頂茶畦千點
露浣花牋紙一溪春楊雄宅在唯喬木杜甫臺荒絕
舊鄰却共海棠花有約數年留滯不歸人

渚遠江清碧簾紋小桃花繞薛濤墳朱橋直看金門
路粉堞高連玉壘雲窗下斷琴翹鳳足波中滌錦散

鷗群子規夜夜啼巴蜀不並吳鄉楚國聞

偶懷寄基院孫端公

才拙道仍孤無何捨釣徒班雖沾玉笋香不近金鑪
雨露瞻雙闕煙波隔五湖唯君應見念曾共伏青蒲

答孫與端公
同在諫垣

小桃

和煙和雨遮敷水映竹映村連灞橋掩亂春風耐寒
令到頭贏得杏花嬌

郊野

韋曲樊川雨半晴竹莊花院偏題名畫成煙景垂楊

色滴破春愁壓酒聲滿野紅塵誰得路連天紫閣獨
關情漾陂水色澄於鏡何必滄浪始濯纓

渚宮亂後作

鄉人來話亂離情淚滴殘陽問楚荆白社已應無故
老清江依舊遶空城高秋軍旅齊山樹昔日漁家是
野營牢落故居灰燼後黃花紫萸上墻生

去姑陵

細雨濕萋萋人稀江日西春愁腸已斷不在子規啼

谷初忝諫垣今憲長薛公方在西閣知幾隆
異以四韻代述榮感

舊詩常得在高吟不柰公心愛若心道自瑣闥言下

振舍人於閣下衆中
獎歎頭毛篇什恩從仙殿對迴深谷累陪舍人
轉對偶免垂

儀舍人深
以知獎流年漸覺霜欺鬢至藥能教土化金自拂

清萍知有地齋誠旦夕望為霖

卷末偶題三首

一卷踈蕪一百篇名成未敢暫忘筌何如海日生殘

夜一句能令萬古傳

七歲待行湖外去岳陽樓上敢題詩如今寒晚無功

業何以勝任國士知

一第由來是出身番名俱為國風陳此生君不知賢

雅孤宦如何作近臣

雲臺編卷中

雲臺編卷下

都官郎中鄭谷

入閣

祕殿臨軒日和饗返正年兩班文武盛百辟羽儀全
霜漏清中禁風旗拂曙天門嚴新勅契使入乍承宣
玉机當紅旭金鑪綴碧煙對敷稱法吏贊引出宮鈿
言動揮毫疾威容執簿專壽山晴變黷顛氣暖連延
禮有鴛鸞集恩無雨露偏小臣叨備位歌詠泰階前

郊野

萸永菊籬邊新晴有亂蟬秋光終寂寞晚醉自留連

野濕木中露村閒社後天題詩滿紅葉何必浣花牋
長安感興

徒勞悲喪亂自古戒繁華落日狐兔徑近年公相家
可悲聞玉笛不見走香車寂寞瑤宮裏春陰挫杏花

詠懷

迂踈雖可欺心路甚男兒薄宦渾無味平生粗有詩
澹交終不破孤達晚相宜直夜花前喚朝寒雪裡

竹聲輪我曉寒格共僧知景物還多感惜懷偶不
溪鶯暗干較山薇正春飢險事銷腸酒清歡
香鋤拋藥酒煙艇憶莎陂自許亨途在儒綱

寄贈監田韋少府先輩

王畿第一縣縣尉是辭人館殿非初意圖書是舊賢
斫冰泉甕響寒雲廟松春自此昇通籍清華日近身

寄懷元秀上人

悠悠干祿利草草廢漁樵身世堪惆悵風騷頗寂寥
高秋期野步積雨放趨朝得句如相憶莎齋且見招

迴鑿

妖星沉雨露和氣滿京關上將忠勳立明君法駕還
順風調雅樂夾道叙群斑香泛傳宣裏塵清拍顧間
樓臺新紫氣雲物舊黃山曉滑行朝肅秋郊曠望閒

廟靈安國步日角動天顏浩浩升平曲流歌徹白蠻
贈宗人前公安宰君

喧卑從宦出喧卑別畫能琴又解碁海上春耕因亂
廢年來冬薦得官遲風中夜大驚槐巷月下寒驢齧
槿籬孤散恨無推唱路耿懷吟得贈君詩

長江縣經賈島墓

水遶荒墳縣路斜耕人訝我久咨嗟重來兼恐無尋
處落日風吹鼓子花

游韋侯城南林墅

韋杜八九月亭臺高下風獨來新霽後閒步澹煙中

端居

莎軟連池綠柿繁和葉紅主人貪貴達清境屬鄰翁
葉葉下高梧端居失所圖亂離時輩少風月夜吟孤
舊疾衰還有窮愁醉暫無秋光如水國不語理霜鬢

寄職方李員外

曾袖篇章謁長鄉今來附鳳事何榮星臨南省陪仙
步春滿東朝接珮聲員外攝事衛官谷奉獲攀接談天不拘先後

禮歲寒仍契子孫情龍墀仗下天街暖共看圭峯竝

馬行

自貽

飲筵博席與心違野眺春吟更是誰琴有澗風聲轉
澹詩無僧字格還卑恨拋水國釣暮雨曾過長安樓
筭時頭角英髦應指笑權門蹤跡獨差池

竹

宜煙宜雨又宜風拂水藏村復間松移得蕭騷從遠
寺洗來疎淨見前峯侵階蘚拆春芽迸繞徑莎微夏
蔭濃無賴杏花多意緒數枝穿翠好相容

郊園

相近復相尋山僧與水禽煙籠春釣靜雪屋夜碁深
雅道誰開口時風未醒心溪光何以報祇有醉和吟

吊水部賈員外

八韻與五字俱為特折先幽魂應自慰李白墓相連

燈

雨向莎階滴未休冷光孤恨兩悠悠船中聞鴈洞庭
宿牀下有蛩長信秋背照翠簾新灑別不挑紅燼正
含秋蕭騷寒竹南窗靜一局閒碁為爾留

池上

池榭愜幽獨狂吟學解嘲露荷香自任風竹冷相敲
畏志嫌孤宦無機愛澹交仙山如有分必擬訪三茅

贈下第舉公

見君失意我惆悵記得當年落第情出去無繆歸又
悶花南慢打講鍾聲

悶題

莫厭九衢塵土間秋晴滿眼是南山僧家未必全無
事道著訪僧心且閒

轉正郎後寄獻集賢相公

予名初在德門前屈指年來三十年自賀孤危終際
會別將流涕感階緣止陪鴛鴦居清秩濫應星辰浼
上玄平昔苦心無所恨受恩多是舊詩篇

省中偶作

三轉郎曹自勉旃莎階吟步想前賢未如何遜無佳
句若比馮唐是壯年捧制名題黃紙尾約僧心在白
雲邊乳毛松雪春來好直夜清閒且學禪

奔避

奔避投入遠漂離易感恩愁鬢霜颯颯病眼淚昏昏
孤館秋聲樹寒江落照村更聞歸路絕新塞截荆門

送京叅翁先輩歸閩中

解印東歸去人情此際多名高五七字道勝兩重科
宿館明寒曉吟船兀夜波家山春更好越馬在庭柯
九日偶懷寄左省張起居

令節爭歡我獨閒
荒臺盡日向晴山
渾無酒足金英菊
謾道官趨玉笋斑
深愧青莎迎野步
不堪紅葉照衰顏
羨君官重多吟興
醉帶未陂落照還

駕部鄭郎中三十八大尹貳河東聞榮加金

紫谷以未泐之外恩
補事深因賀送

香浮玉陛曉辭天
袍拂蒲茸稱少年
郎署轉曹雖久次
京河亞尹是優賢
縱將雲水無公事
貴買琴書有俸錢
今日龍門看松雪
探春明日向平泉

初還京師寓止府署偶題屋壁

秋光不見舊池臺
四顧荒涼瓦礫堆
火力不能消地

力亂前黃菊眼前開

自遣

强健宦途何足謂
入微章句更難論
誰知野性真天性
不扣權門扣道門
闕晚鶯臨砌樹
迸堦春笋隔籬根
朝回何處消長日
紫閣峯南省舊村

中年

漠漠秦雲淡淡天
新年景象入中年
情多最恨花無語
秋破方知酒有權
苔色滿牆尋故第
雨聲一夜憶春田
衰遲自喜添詩學
更把前題改數聯

春陰

推琴當酒度春陰不解謀生祇解吟舞蝶歌鶯莫和
試老郎心是老僧心

江梅

江梅且緩飛前輩有歌詞莫惜黃金縷難忘白雪枝
吟看歸不得醉嗅立如癡和雨和煙折合情寄所思

試筆偶書

沙鳥與山麋由來性不羈可憑唯在道難解莫過詩
任笑孤吟僻終嫌巧宦卑垂慵恩地怨冷澆好僧知
華省脫交器滄江負釣師露花春直夜煙鼓暮朝晴
世路多艱梗家風兇墜遺殷勤一篋兩紙得高情披

敷溪高士

敷溪南岸掩柴荆掛却朝衣愛靜名閒得林園栽樹
法喜聞兒姪讀書聲眠窗日煖添幽夢步野風清散
酒醒謫去徵還何擾擾片雲相伴看表榮

浯溪

湛湛清江疊疊山白雲白鳥在其間漁翁醉睡又醒
睡誰道皇天最惜閒

失鷺鷥

野格由來倦小池鷺鷥飛却下碧江涯月昏風急何處
宿秋岸蕭蕭黃蒿枝

兵部盧郎中光濟借示詩集以四韻謝之

士子風騷尋失主吾君歌誦久無聲調和雅樂歸時
正澄慮頽波到底清才大始知寰宇窄吟高何止鬼
神驚葉公好尚渾踈闊忽見真龍幾喪明

文昌寓直

何遜空階夜雨平朝來交直雨新晴落花亂上花墀
上不忍和苔踏紫英

街西晚歸

御溝春水繞闌坊信馬歸來傍短檣幽榭名園臨紫
陌晚風時帶牡丹香

贈咸陽王主簿

可愛咸陽王主簿窮經盡到音賢心登科未足酬多
學執卷猶聞惜寸陰自與山妻春斗粟祗憑鄰叟典
孤琴我來賒酒相留宿聽我披衣看雪吟

谷比歲受同年丈人故川守李侍郎教諭衰

晏龍鍾益用感歎遂以章句自貽

多感京河李丈人童蒙受教便書紳文章至竟無功
業名宦由來致苦辛皎日還應知守道平生自信解
甘貧孤單所得皆逾分歸種敷溪一畝春

偶書

承時偷喜負明神務實那能得底身不會蒼蒼主何
事忍飢多是力耕人

蔡處士

無著復無求平生不解愁鬢疏貧淨潔中酒病風流
旨趣陶山相詩篇沈隱侯小齋江色裏籬柱繫漁舟
信美寺岑上人

巡禮諸方遍湘南頗有緣焚香老僧寺乞食向江船
紗碧籠名畫燈寒照淨禪我來能求日蓮漏滴階前
宮獻狄右丞

逐勝偷閒向杜陵愛僧不受紫衣僧身為醉客思吟

客官自中丞拜右丞殘月露垂朝闕蓋落花風動宿
齋燈孤單小諫漁舟在心戀清潭去未能

故許昌薛尚書能嘗為都官郎中後數歲故

建州李員外知自憲府內彈拜都官員外八

座外郎皆一時騷雅宗師則都官之曹振盛

於此余早年請益實受深知今忝此官復是
正秩豈唯俯慰孤宦何以仰繼前賢榮揚在

袁遂賦自賀

都官雖未是名郎踐歷曾聞薛許昌復有李公陪雅
躡豈宜鄭子泰餘光榮為後進趨蘭署喜拂前題在

粉墻八座外郎於省中題記多在他日節旄如可繼不嫌曹冷在中行

下峽

憶子啼猿繞樹哀雨隨孤棹過陽臺波頭未白人頭白瞥見春風艷潁堆

苔錢

春紅秋紫繞池臺箇箇圓如濟世財雨後無端滿窮巷買花不得買愁來

寄左省韋起居序

風神何蘊藉張緒正當年端簡鑪香裏濡毫洞案邊飾裝無雨備著述減春眠且夕應彌入銀臺曉候宣

代秋扇詞

露入庭無恨已深熱時天下是知音汗流冷背普施手氣爽中宵便負心一片山溪從蠹損數行文字任塵侵綠槐陰合清和後不會何顏又見尋

牡丹

亂前看不足亂後眼偏明却付蓬蒿力遮藏見太平

玉蕊

亂前唐昌觀王蕊最盛

唐昌樹已荒天音著文昌曉入微風起春時雪滿墻

石柱

外祖在南官七轉名曹鐫記皆在

暴亂免遺折森羅賢達名末郎何所取叨繼外門榮

哭進士李洵

所惜絕吟聲不悲君不榮李端終薄宦賈島得高名
旅葬新墳小遺孤遠俗輕猶疑隨計晚昨夜草蟲驚

其二

李生酷愛賈浪仙詩長江在東蜀境內浪仙塚於此處

自聞東蜀病唯我獨關情若近長江死想君勝在生
瘴蒸丹旆濕燈隔素帷清塚樹僧栽後新蟬一兩聲

閒題

舉世何人肯自知須逢精鑑定妍媸若教嫫母臨明
鏡也道不勞紅粉施

府中寓止寄趙大諫

老作舍客貧無儻舍錢神州容寄跡大尹是同年
密邇都忘倦垂慵益見憐雪風花月好中夜便招延

贈劉神童

六歲及第

習讀在前生僧譚是可明還家雖解喜登第未知榮
時果嘗沾賜上召於便殿親試稱旨賜以果實春闈不掛情燈前猶

惡睡寤語讀書聲

京兆府試殘月如新月

榮落何相似初終却一般猶疑和夕照誰信墮朝寒
水木輝華別詩家比象難佳人應誤拜樓馬及求安

屈指期輪滿何心謂影殘
度樓清賞處吟徹曙鍾看

石門山泉

一脈清冷何所之縈莎漱鮮入僧池
雲邊野客窮來處石上寒猿見落時
聚沫繞槎殘雪在迸流穿樹墮
花隨煙春雨晚閒吟去不復遠尋皇子陂

渭陽樓閒望

千重二華見皇州望盡疑嵐即此樓
細雨不藏秦樹色夕陽空照渭河流
後車寧見前車覆本日難忘昨日憂
擾擾塵車猶未已可能踈傳獨能休

作尉鄆郊送進士潘爲下第南歸

歸去且春春水涿麥秋梅雨過湘陰
鄉園幾度經狂寇桑柘誰家有舊林
結綬位卑甘晚達登龍心在且高吟
灞陵橋上楊花裏酒滿芳樽淚滿襟

下第退居二首

年來遠未上丹梯且著漁蓑謝故溪
落盡梨花春又了破離殘雨晚鶯啼

未嘗青杏出長安豪士應疑怕牡丹
祇有退耕耕不得茫然村落水吹殘

江宿聞蘆管

商船

童善吹

塞曲淒清楚水濱
聲聲吹出落梅春
須知風月干墻

下亦有胡蘆河畔人

題水部李羽員外招國里居

野色入前軒，翛然琴與樽。畫僧依寺壁，我輩學江村。
自醒花前醉，誰敲雪裏門。不辭朝謁遠，唯要近慈恩。

故少師從翁隱巖別墅亂後榛蕪感舊悵懷
遂有追紀

風騷為主人，凡俗仰清塵。空行梅閣間，明誠動搢紳。
周旋居顯重，內外掌絲綸。妙主蓬壺籍，忠為社稷臣。
大儀墻仞峻，東轄紀綱新。聞善常開口，推公豈為身。
立朝鳴佩重，歸宅典衣貧。醉看花晚中，食者兼春

晴臺隨鹿上，幽墅結僧鄰。理論知清越，清越江左詩僧孤卿待之

羣生徒得李頻藥，香沾筆硯竹色染衣巾。寄鶴眠雲

叟騎驢入室賓，咸通中舉子乘馬唯張喬跨驢近將

姚監比，自姚秘監合生張風卿延於門下段卿親，段少常成雅後孤卿一人而已僻與段卿親，或與學辛

勤章句入微，葉積池邊路。茶遲雪後新，所難留著述

誰不秉陶鈞，喪亂時多變。追思事已陳，浮華重發作

雅正甚湮淪，宗從今何在。依棲素有因，七松無影響

孤卿植小松七本自號七松處士異代對五柳先生雙淚益悲辛，猶喜干門秀

年來屈復伸，莊即孤卿姪孫登進士科級也

送司封從叔員外微赴華州裴尚書均辟

如何拋錦帳蓮府對蓮峯舊有雲霞約暫留鷓鴣蹤
敷溪秋雪岸樹谷夕陽鍾盡入新吟境歸朝興莫慵
聞進士許彬罷舉歸睦州悵然懷奇

桐廬歸舊廬垂老復樵漁吾子雖言命鄉人懶讀書
煙舟撐晚浦雨屐翦春蔬異代名方振哀吟莫廢初

靜吟

騷雅荒涼我未安月和餘雪夜吟寒相門相容應相
笑得句勝於得好官

和知己秋日傷懷

流水歌聲共不迴去年天氣舊亭臺梁塵寂寞燕歸

去黃蜀葵花一朶開

舟行

九派迢迢九月殘舟人相語且相寬村逢好處嫌風
便酒到醒來覺夜寒蓑衣白波喧夏口柿園紅葉憶
長安季鷹可是魚鱸膾引退知時自古難

闕下春日

建昌宮殿紫雲飄春漏遲遲下絳霄綺陌暖風嘶去
馬粉廊初日照趨朝花經宿雨香難拾鶯在豪家語
更添春楚年年有離別揚鞭揮袖灞陵橋

峽中高止二首

荆州未解圍，小縣結茅茨。強對官人笑，偏爲野鶴欺。
江春鋪網罟，市晚鬻蔬遲。子美猶如此，翻然不敢悲。

二

傳聞殊不定，鑿輅幾時還。俗易無常性，江清見老顏。
夜船歸草市，春步上茶山。寨將來相問，兒童競渡關。
送吏部曹郎中免官南歸

高名向已求，古韻古無儔。風月拋蘭省，江山復桂州。
賢人知止足，中歲便歸休。雲鶴深相待，公卿不易留。
滿朝張姐席，半路上仙舟。篋重藏吳畫，茶新換越甌。
郡迎紅燭宴，寺宿翠嵐樓。觸目成幽興，全家是勝游。

蓬萊漁叟雨葦色，鷺鷥秋又別。郊園改將歸，里巷脩
桑麻。勝祿食節序，免鄉愁。陽朔花迎棹，崇賢葉滿溝。
席春歡促膝，簷日暖梳頭。道暢應爲蝶，時來必問牛。
終須康庶品，未爽漱寒流。議在歸群望，惜難戀自由。
小生誠淺拙，早歲便依投。夏課每垂獎，雪天常見憂。
遠招陪宿直，首薦向公侯。攀送偏揮灑，龍鍾志未酬。
余嘗有雪景一絕，爲人所諷吟，段贊善小筆
精微忽爲圖畫，以詩謝之。

替善賢相後家藏名畫多，留心於繪素，得事在煙波。
屬興同吟詠，成功更琢磨。愛余風雪句，幽絕寫漁蓑。

贈尚顏上人

相尋喜可知，放錫便論詩。
酷愛山兼水，唯應我與師。
風雷吟不覺，猿鶴老為期。
近輩唯棲白，其如趣向卑。

遠游

江湖猶足事，食宿戍聲喧。
又客秋風起，孤舟夜浪翻。
鄉音離楚水，廟貌入湘源。
岸闊鳥驚小，林垂橘柚繁。
津官來有意，漁者笑無言。
早晚酬僧約，中條有藥園。

寄邊上從事

男兒懷壯，即何不事嫖姚。
高壘觀諸寨，全師護大朝。
淺山寒放馬，亂火夜防苗。
第第春愁甚，勞勞君邊見招。

光化戊午年舉公見示省試春草碧色詩偶

賦是題

萋弘血染新，含露滿江濱。
想得尋花徑，應迷拾翠人。
窗紗迎擁砌，簷玉妬成茵。
天借新晴色，雲飭落日春。
嵐光垂處合，眉黛看時頰。
願與仙桃比，無令惹路塵。

贈四口苗道士

歲晏樂園林，維摩契道心。
江雲寒不散，庭雪夜方深。
酒勸漁人飲，詩憐稚子吟。
四郊多壘日，勉我捨朝簪。

同心願雲下第往京偶有寄勉

鳳策聯華是國華

編雲著述目
鳳策聯華

春來偶不

連南渡魚菰米淚滴更屬避木花吟聒暮聲歸廟院
睡消遲日寄僧家一般情緒應相信門靜莎深樹影斜

自適

紫陌奔馳不暫停送迎終日在郊坰年來鬢畔未垂
白雨後江頭且踏青浮蟻滿盃難斂拾貫珠一曲莫
辭聽春風祇有九十日可含花前半日醒

擢第後入蜀經羅利路見海棠盛開偶有題

詠

上國休誇紅杏絕深溪自照綠苔磯一枝低帶流鶯
鶯數片任和舞蝶飛堪恨路長移不得可無人與畫

將歸手中已有新春桂多謝東君久欠之

右省補闕張茂基同在該垣密居光德迭和

篇什不嘗閒時忽見詩題不覺笑矣每歷必在

文昌當與何水部宋考功為儔谷雖賦于風

雅實用就惶因抒酬寄

何宋清名動粉闈不才今日偶陳詩考功豈敢聞題
品水部猶須繫鞶維積雪巷深酬唱夜落花墻隔笑
言時紫垣名士推揚切為話心孤倍感知紫微薛公
獎譽頗深

補衮即紫微中喪嘗
悼重有故有此句

菊

王孫莫把比荆蒿九日枝枝近鬢毛
露濕秋香滿池岸由來不羨瓦松高

荔枝樹

二京曾見畫圖中數本芳菲色不同
孤棹今來已徼外一枝煙雨思無窮
夜郎城近含香瘴杜宇巢低起
噴風腸斷渝瀘霜霰薄不教葉似灞陵紅

次韻和禮部盧侍郎江上秋夕寓懷

時中儀在靈州恩門大夫侍遇

星動吟向沙洲宿鷺鷥未脫白衣頭
半白叨陪屬和

倍為榮

讀前集二首

殷璠鑒裁英靈集頗覺同才得契深何事後來高
仲武品題間氣未公心

風騷如線不勝悲國步多艱即此時愛日滿堦看古
集祇應陶集是吾師

寄司勳張員外學士

平昔偏知我司勳張外郎昨來聞擾憂甚欲顛狂
煙暝搔愁鬢春陰賴酒鄉江樓倚不得橫笛數聲長

深居

五道有誰同深居自固窮殷勤謝綠朝夕惠清風
書滿閒窗下琴橫野艇中年來頭更白雅稱釣漁翁
宜春再訪芳公言公幽齋寫懷叙事因賦長

言

入門長恐先師在香印紗燈似昔年澗路縈迴齋處
遠松堂虛豁講聲圓頃為弟子曾同社今忝星郎更
契綠顧渚一甌春有味中林話舊亦潸然

香雪齋冊卷下

